

Funcionario halto señala den ora di trabao na apartament di relaha

ORANJESTAD (AAN) Un escandalo tras di otro ta sigui azota e gobierno actual pasobra si no ta trata di patronahe politico unda ta huur edificio di famia of ta duna famia puestonan cu salarionan barbaro, ta escandalo di coremento burachi, hit and run y actonan di relacionnan ahenos cu cierto hende di posicion halto ta meti aden anto publicamente.

Bida priva di cada ken ta cay pa responsabilidad di cada persona riba su mes y den esey ningun hende tin derecho di mete, pero na momento cu hendenan den gobierno y riba posicion clave ta expone nan mesun vida priva den publico, esaki ta bira algo cu pueblo tardi of tempran ta bay ripara y ta bay cuestiona tambe.

E siman aki atrobe tabata tin un caso unda a señala un hefe riba posicion clave y kende mas bien ta man drechi di un ministro, a wordo señala na un compleho di apartament unda cu tur hende den pueblo sa cu parehanan ta bay pa tene relacion cu otro pa algun ora of algun rato.

Funcionarianan di e aparato hudicial a haya un tip cu na un compleho di apartament cu ta conoci como un Koci, un dama colombiana ilegal tabata kedando y nan a bay pa haci un control.

Na momento cu e funcionarianan tabata haciendo nan trabao pa controla kende tabata kedando ilegal na e compleho

di apartament, nan a mira un auto yega na e lugar y den e auto nan a señala e funcionario halto di gobierno kende na un dado momento no tabata sa kico pa haci, sea cu e ta para su auto y baha of simplemente baha na awa di e lugar.

Despues el a keda duda pa algun rato kico e lo haci pasobra e ora cu e hefe a yega na e lugar tabata mainta y esaki tabata den ora di trabao y e funcionario no tabata forma parti di e grupo di control riba ilegalnan y asina tambe e no por a hustifica su presencia na e apartament unda cu parehanan ta bay relaha cu otro pa algun rato.

E hefe lo a pasa man pa su celular y a yama departamento di esnan cu tabata haciendo control y cuminsa reclama kico e funcionarianan tabata controla y pakico net eynan y net na e momento ey.

Cerca esnan cu ta haci e trabao dificil di busca ilegalnan, tipo di

actuacionnan asina di hendenan riba posicion clave, ta crea un disgusto grandi pasobra ora cu ta trata di e homber chiquito e ora ey si control mester ta rigido, pero ora cu cierto hendenan di posicion ta involvi of tin cierto interesnan e ora ey control mester wordo para mesora.

E fenomeno di mamasita a bira manera un peligro pa seguridad nacional pasobra si hefenan di posicion halto ta negligencia nan trabao y responsabilidad y te hasta pone nan trabao na peligro pa por tin relacion cu un of mas mamasita anto con ta para cu cierto informacionnan delicado di e pais cu por cay den man di podernan ahenos?

Departamentonan ta wordo mina door di desaroyonan asina y ta pesey e momento a yega cu mester bay investiga credibilidad y specialmente integridad y lealtad di cierto hendenan riba posicionnan clave pasobra un hefe cu ta pone su trabao na

peligro djis pa e por ta cu un mamasita no por wordo confia door di ningun hende y

menos door di ministronan encarga.

Mami Criollo tambe tin nan T-Shirt



ORANJESTAD (AAN): Despues cu dos biaha caba a sali publica, cu un T-Shirt di "Macho Criollo" ta circula, awor a haya sa cu "Mami Criollo" tambe tin di nan.

Esaki ta un di e T-shirtnan cu a circula caba.

El a wordo bendi na un di e garoshinan cu ta bende producto prome cu Parada di Carnaval start.

LEU FOI CAS...SERCA PA DIARIO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Tent
Full Arma
3x3m
Afl. 225,=